

Inzko u Salzburgu: Politička stabilnost i vladavina prava su temelji svake zemlje



Visoki predstavnik Valentin Inzko učesnik je 15. konferencije evropskih regija i gradova u Salzburgu, u organizaciji Instituta evropskih regija (*Institut der Regionen Europas – IRE*), čiji je počasni pokrovitelj austrijski predsjednik Alexander van der Bellen.

Danas je visoki predstavnik učestvovao u okruglom stolu na temu “Mir na Zapadnom Balkanu,” na kojem je govorio o trenutnoj političkoj situaciji u BiH, istakavši, na godišnjicu održavanja izbora, hitnu potrebu da se formiraju vlasti na svim nivoima, a istovremeno ispoštuju međunarodne obaveze BiH.

Visoki predstavnik je rekao da bi se težište moralo staviti na programe i važna pitanja okrenuta budućnosti, kao što su evropska integracija i ekonomski rast. “Ako se trenutni trend ne promijeni, BiH će ostati u prošlosti i stalno zaostajati za ostalim zemljama Zapadnog Balkana,” rekao je visoki predstavnik.

Također je istakao potrebu za jačanjem vladavine prava u BiH: “Vladavina prava je temelj svake zemlje i iz tog razloga mora joj se posvetiti odgovarajuća pažnja u BiH,” zaključio je visoki predstavnik.